

Yeshua: e Santu di Dios!!!

Awor Felipe a buska i haña Natanaèl i a bis'è: "Nos a haña Esun di Kende Moisés a skirbi den e Lei i di Kende e Profetanan tambe a skirbi. Ta Yeshua; Jesus di Nazarèt, yu di José." (Juan 1:45).

Yeshua; Jesus di Nazarèt: e Lei di Dios Tata!!!.

"Papia ku henter e kongregashon di e yunan di Israel i bisa nan: 'Boso sea Santu, pasobra Ami SEÑOR boso Dios ta Santu. 'Kada un di boso mester tin Temor di su mama i su tata, i boso mester warda Mi Shabatnan; Ami ta SEÑOR boso Dios. (Levítico 19:2-3).

Yeshua; Jesus di Nazarèt: di Kende e Profetanan di Dios Tata tambe a skirbi!!!.

"No tin ningun Santu manera SEÑOR, di Bèrdat, no tin ningun otro fuera di Bo, tampoko no tin ningun Baranka manera nos Dios. "No gaba mas ku tantu Orguyo, no laga arogansia sali for di bo boka; pasobra SEÑOR ta un Dios di Konosementu, i serka DjE akshonnan ta wòrdu pisá. (1 Samuel 2:2-3). Mi no a skonde Bo Hustisia den mi Kurason; mi a papia di Bo Fieldat i di Bo Salbashon; mi no a skonde Bo Mizerikòrdia i Bo Bèrdat pa e kongregashon grandi. Abo, O SEÑOR, lo no keda sin duna-mi Bo Kompashon; Bo Mizerikòrdia i Bo Bèrdat lo warda-mi kontinuamente. (Salmonan 40:10-11).

Ta kon Felipe por bisa: "Nos a haña Esun di Kende Moisés a skirbi den e Lei i di Kende e Profetanan tambe a skirbi. Ta Yeshua; Jesus di Nazarèt, yu di José."

Felipe por bisa esaki pasobra:

Yeshua ta e Santu di Dios.
Yeshua ta e Temor di Dios.
Yeshua ta e Shabat di Dios.
Yeshua ta e Baranka di Dios.
Yeshua ta e Orguyo di Dios.
Yeshua ta e Konosementu di Dios.
Yeshua ta e Hustisia di Dios.
Yeshua ta e Fieldat di Dios.
Yeshua ta e Salbashon di Dios.
Yeshua ta e Mizerikòrdia di Dios.
Yeshua ta e Kompashon di Dios.
Yeshua ta e Bèrdat di Dios.

9 yüni 2019

Sea Bendishoná ku e Amor di Dios Tata; Yeshua Mesias
Un Fiel Sirbidó di Dios,
Remsly L Riley